



NUS ENCURIN ...

per la cumissiun Fondo Greina dus commembers

Il Fondo Greina dispona actualmein aunc d'ina considerabla summa daners ord ina donaziun che l'anteriura vischnaunca Vrin ha survegniu dalla fundaziun svizra per la tgira dalla cuntrada. La summa stat a disposiziun per sustener projects ed activitads che stattan directamein en connex cun il vischinadi da Vrin. Ils detagls ein fixai el reglament pertuccont il diever dalla donaziun dalla fundaziun svizra per la tgira dalla cuntrada, mira <https://www.cuminonzavrin.ch/fondo-greina/>.

L'incumbensa dalla cumissiun Fondo Greina che consista da treis commembers ei en emprema lingia d'examinar las damondas che vegnan inoltradas e far propostas per contribuziuns alla suprastonza dalla Cuminonza Vrin. Egl avegnir duei la cumissiun denton era d'aventar activa cun cussegljar ni lantschar projects ni activitads d'interess che dattan veta al vischinadi ni promovan schizun plazzas da lavur.

Muort demissiuns drova la Cumissiun Fondo Greina dus novs commembers. Quels dueien vegnir elegi a caschun dalla radunonza annuala 2020 dalla Cuminonza Vrin – termin aunc aviarts.

per la Cuminonza Vrin ina cassiera ni in cassier

La suprastonza dalla Cuminonza Vrin consista da presidenta, actuar e cassiera. Ils commembers dalla suprastonza vegnan mintgamai elegi per ina perioda da quater onns. Ils detagls ein fixai els statuts dalla Cuminonza Vrin, mira <https://www.cuminonzavrin.ch/uniun-verein/>.

L'incumbensa dalla cassiera/dil cassier ei oravontut da manischar las finanzas dall'uniun sco era dil Fondo Greina. Leutier s'audan era igl incasso dallas contribuziuns annualas, menar ina contabilitad e da dar giu quen alla radunonza. Vinavon collaborescha la cassiera/il cassier tier las activitads dall'uniun.

Muort demissiun drova la Cuminonza Vrin ina nova cassiera/in niev cassier. Quella/quel duei vegnir elegida/elegius a caschun dalla radunonza annuala 2020 dalla Cuminonza Vrin – termin aunc aviarts. Igl uffeci duei vegnir surprius el decuors digl onn 2020.